

# Utkast til forskrift om særskilt regulering av akvakultur i Hardangerfjorden

Fastsett av Fiskeri- og kystdepartementet ..... med heimel i lov 17. juni 2005 nr. 79 om akvakultur § 1, § 5, § 9 og § 10 og lov 19. desember 2003 nr. 124 om matproduksjon og mattrygghet m.v. § 7 og § 19, jf. delegeringsvedtak 19. desember 2003 nr. 1790.

## § 1. Formål

Formålet med forskrifta er å bidra til å sikre ei berekraftig utvikling av akvakulturnæringa i Hardangerfjorden, medrekna forhold knytt til fiskehelse, omsynet til ville bestandar av laksefisk og det langsiktige grunnlaget for utvikling i akvakulturnæringa i området.

## § 2. Sakleg verkeområde

Forskrifta omfattar akvakultur med laks, aure og regnbogeare i sjø.

## § 3. Geografisk verkeområde

Forskrifta gjeld innanfor området som er gjort greie for i vedlegg I, heretter kalla Hardangerfjorden.

## § 4. Definisjonar

Denne forskrifta meiner med

*akvakulturløyve*: Løyve gitt med heimel i akvakulturloven, som ved registrering i akvakulturregisteret gir rett til ein fastsett type produksjon av ein bestemt art, i eit bestemt omfang på ein eller fleire bestemte lokalitetar.

*akvakulturanlegg*: Einkvar lokalitet, fysisk avgrensa område eller installasjon som blir driven av eit akvakulturføretak der akvakulturdyr blir oppdretta, med unntak av dei lokalitetar, område eller installasjonar der ville akvatiske dyr er hausta eller fanga med tanke på konsum, og blir haldne mellombels utan å bli føra i påvente av å bli slakta. Med akvakulturføretak meiner forskrifta eitkvart privat eller offentleg føretak, ideelt eller ikkje, som driv kva som helst slags verksemd i samband med oppdrett, hald eller dyrking av akvakulturdyr.

*laksefisk*: laks, aure og regnbogeare.

*samløysing*: Driftsform der ein eller fleire innehavarar av akvakulturløyve har akvakulturdyr på same lokalitet.

## § 5. Forbod mot tildeling av løyve eller lokalitet og melding om samløysing

Det skal ikkje tildelast nye akvakulturløyve eller utvidast eller klarerast lokalitetar i sjø for produksjon av matfisk og stamfisk. Dette gjeld ikkje utviding eller klarering av lokalitetar til bruk etter § 7.

Det kan ikkje giast melding om samløysing for løyve til akvakultur inn til Hardangerfjorden.

Innanfor summen av lokalitetsbiomasse i løyve tildelte i Hardangerfjorden, kan det etter søknad giast løyve til utviding eller klarering av akvakulturlokalitetar eller samløysing til eksisterande verksemdar dersom dette er nødvendig eller klart fordelaktig med omsyn til fiskehelse og miljø. Dette gjeld likevel ikkje for kommunane Granvin, Ulvik, Eidfjord, Ullensvang og Odda.

Det kan sendast melding om samlokalisering til lokalitetar utanfor Hardangerfjorden.

#### **§ 6. Ståande biomasse av laksefisk i Hardangerfjorden**

Den ståande biomassen av laksefisk skal ikkje overstige 50 000 tonn.

Dersom den ståande biomassen av laksefisk i to etterfølgjande månader overstig 50 000 tonn, skal kvart løyve til akvakultur av laks, aure og regnbogeaure som er gitt i Hardangerfjorden reduserast med same prosentsats/del som overskridinga utgjer i snitt.

Reduksjonen i løyve gjeld berre innanfor verkeområdet til denne forskrifta og tek til å gjelde 6 månader etter at vilkåra for reduksjon er oppfylte.

Seinast 3 månader før reduksjonen tek til å gjelde, skal fylkeskommunen orientere innehavaren om reduksjonen i aktuelle løyve.

#### **§ 7. Utnytting av den reduserte delen**

Dersom det skjer ein reduksjon i løyva etter § 6, kan den delen av løyvet som har falle bort utnyttast innanfor verkeområdet til forskrifta på følgjande vilkår:

[Likt vilkår som for lakselus i tildelingsrunden 2013]

[Løysinga] skal godkjennast av Mattilsynet.

Biomasse som blir halden i samsvar med denne føresegna skal haldast i eigne produksjonseiningar.

Biomasse som blir utnytta etter denne føresegna, tel ikkje som ståande biomasse etter § 6.

Den reduserte delen kan også nyttast utanfor verkeområdet til forskrifta, men innanfor den regionen løyvet er knytt til, jf. forskrift 22. desember 2004 nr. 1798 om tillatelse til akvakultur kapittel 6.

#### **§ 8. Biomassetak i Hardangerfjorden**

Summen av biomasse i løyve tildelt for same art og type og tilhøyrande same innehavar innanfor Hardangerfjorden utgjer eit eige biomassetak innanfor Fiskeridirektoratet region Vest. Innehavarar av akvakulturløyve innan same konsern, jf. regnskapsloven § 1-3, kan etter søknad til fylkeskommunen få løyve til eit felles biomassetak for Hardangerfjorden.

#### **§ 9. Tilsyn, vedtak og rapportering**

Fylkeskommunen gjer vedtak for å gjennomføre føresegnene gitt i forskrifta §§ 5, 6, 7 og 8.

Fiskeridirektoratet fører tilsyn med føresegnene gitt i forskrifta. Mattilsynet skal og føre tilsyn med om krava til uslepp av lus etter § 7 blir oppfylt.

Fiskeridirektoratet og Mattilsynet kan krevje dei opplysningane som er nødvendige for å kontrollere om vilkåra etter § 7 er følgde.

#### **§ 10. Straff og andre reaksjonar ved brot på forskrifta**

Brot på forskrifta eller vedtak gjort i medhald av forskrifta, kan føre til straff og andre reaksjonar etter lov 19. desember 2003 nr. 124 om matproduksjon og mattrygghet m.v., og lov 17. juni 2005 nr. 79 om akvakultur.

#### **§ 11. Ikrafttreding mv.**

Denne forskrifta trer i kraft [1.1.2014].

## VEDLEGG 1. HARDANGERFJORDEN AVGRENSING:

- i vest ved utløpet av Bømlafjorden; avgrensa av ei rett linje frå nes nord for Ryvarden fyr (N: 59-31.6751, Ø: 5-13.4815) til Bømlahuk på Bømlo (N: 59-34.4702, Ø: 5-11.0373)

- i nord av Stokksundet mot Selbjørnsfjorden, avgrensa av følgjande linjer mellom Bømlo og Stord:

- 1) Frå nes nord på Rolvsnes (Bømlo) ved Skinesholmen (N: 59-52.5991, Ø: 5-9.3868) til nes sør på Risøya (N: 59-52.7244, Ø: 5-9.4452).
- 2) Frå nes nord på Parakhine ved Risøya (N: 59-52.8216, Ø: 5-8.1797) til Midtparte-tangane på Vikøya (N: 59-52.7216, Ø: 5-7.8535).
- 3) Frå Lusapollen på Vikøya (N: 59-53.2779, Ø: 5-5.8889) til nes på Gissøya sør av Brandasund (N: 59-53.3612, Ø: 5-5.4773).
- 4) Frå Gisøya ved Brandasund; (N: 59-53.8664, Ø: 5-5.4738) til Selsøy (N: 59-53.9064, Ø: 5-5.5698.)
- 5) Frå nes nord på Selsøy (N: 59-54.4033, Ø: 5-6.6199) via sørspissen av Moltholmen til nes vest på Klammerøy (N: 59-54.5833, Ø: 5-7.0362).
- 6) Frå austsida av Klammerøy (N: 59-54.6105, Ø: 5-7.6662) til sørspissen av Hanøya (N: 59-54.6479, Ø: 5-7.7247)
- 7) Frå austsida av Hanøya (N: 59-54.8781, Ø: 5-8.0117) til nes vest på Eidøya (N: 59-54.8806, Ø: 5-8.4916)
- 8) Frå nes aust på Eidøya nord for Trollosen (N: 59-55.0205, Ø: 5-9.2874) til nes vest på Eggøya (N: 59-55.1886, Ø: 5-9.6561)
- 9) Frå nes aust på Eggøya, nord for Eggøya lykt (N: 59-55.5039, Ø: 5-10.2972) over Nyleia til nes vest på Stora Siglo (N: 59-55.9043; Ø: 5-11.3260)
- 10) Frå nes aust av Stora Siglo (N: 59-56.1781, Ø: 5-12.2014) over Bukkholmsundet til vestsida av Litleholmen (N: 59-56.2303, Ø: 5-12.5761)
- 11) Frå Sør-spissen av Litleholmen (N: 59-56.1898, Ø: 5-12.7304) til nordspissen av Flatøy (N: 59-56.1862, Ø: 5-12.8506)
- 12) Frå austsida av Flatøy (N: 59-56.0695, Ø: 5-13.0445) til sørspissen av Håboholmen (N: 59-56.0690, Ø: 5-13.4752)
- 13) Frå nest aust på Håboholmen (N: 59-56.1039, Ø: 5-13.4783) til sørspissen av Porsholmen (N: 59-56.1353, Ø: 5-13.7438)
- 14) Frå austsida av Porsholmen (N: 59-56.1871, Ø: 5-13.9072) til nordspissen av Dyrholmen (N: 59-56.1665, Ø: 14.0324)
- 15) Frå nordaustspissen av Dyrholmen (N: 59-56.1555, Ø: 5-14.0631) til nes nordvest på Teløy (N: 59-56.1953, Ø: 5-14.7509)
- 16) Frå nes nordaust på Teløy (N: 59-56.3309, Ø: 5-15.0406) via Lamholmen over Teløysundet til Landtunge vest på Fonno (59-56.4061, Ø: 5-15.2990)
- 17) Frå nes nord for Matløyso på Nord Fonno (N: 59-57.3800, Ø: 5-16.2877) til Skumsneset nordvest på Stord (N: 59-57.5812, Ø: 5-17.1635)

- i Langenuen, avgrensa av ei linje mellom Stokksneset på Stord (N: 59-58.9158, Ø: 5-19.1328) og Sørboneset på Tysnes (N: 59-59.2416, Ø: 5-22.4622)

- i Laukhammarsund, avgrensa av ei linje mellom Huglaneset på Huglo (N: 59-2.0355, Ø: 5-33.4345) og Storeneset på Tysnesøy (N: 59-53.2565, Ø: 5-32.9531)

- i Lukksund sør; avgrensa av linjer frå Ølfernes på Tysnesøy (N: 59-59.9563, Ø: 5-42.2172) til vestsida av Sandsøy (N: 60-0.0053, Ø: 5-42.4926), og frå austsida av Sandsøy (N: 60-0.1059, Ø: 5-42.8581) via Hamarhaugflu lykt til nes sør ved Gjerdsheim på Fusa (N: 60-0.1041, Ø: 5-43.6943).

- nord av Etnefjorden-Ølsfjorden; avgrensa av ei linje sett for nasjonal laksefjord mellom Rossaneset (N: 59-40.1000, Ø: 5-40.9360) og Notaneset (N: 59-41.3020, Ø: 5-47.5860).